



Մ Ա Յ Ր Ա Թ Ո Ռ Ո Ւ Մ

ՓԵՏՐՎԱՐԻ 15-ԻՆ, ՉՈՐԵՔՇԱՐԹԻ, ՎԵՀԱ-
փառ Հայրապետի նախագահությամբ, Վեհա-
րանում գումարվեց Մայր Աթոռի ճարտարա-
պետների հանձնախմբի հերթական նիստը,
որտեղ քննության առնվեց Ս. Հովսիսիմեի և
Ս. Գայանեի վանքերի շրջապատների բարե-
կարգման հարցը:



ՓԵՏՐՎԱՐԻ 17-ԻՆ, ՈՒՐԱՔ ԵՐԵՎԱՆ, ԵՐԵՎԱՆ,
Մայր Տաճարում, Վեհափառ Հայրապետի
նախագահությամբ, կատարվեց Մեծ պահոց
առաջին հսկումի արարողությունը:



ՓԵՏՐՎԱՐԻ 18-ԻՆ, ՇԱՐԱՔ, Հոգևոր ձե-
մարանի դահլիճում, տեղի ունեցավ հերթա-
կան գրական-գեղարվեստական երեկու Ու-
սանողների ուժերով կատարվեցին երգեր և
արտասանություններ: «Գիտության մասին»
թեմայով հանդես եկավ Գլխավորի ուսանող
բարեշնորհ Հակոբ Սարկավազ Գյուկչյանը:

Գրական երեկոյին ներկա էր Վեհափառ
Հայրապետը:

Վեհափառ Հայրապետի մեկնումից հետո,
ցուցադրվեց դաստիարակչական բնույթի
կինոնկար:



ՓԵՏՐՎԱՐԻ 19-ԻՆ, ԱՐՏԱՔՍՄԱՆ ԿԻՐԱԿԻՆ,
Մայր Տաճարում պատարագեց արժանա-
պատիվ Ս. Հակոբ քահանա Հակոբյանը:
«Հայր մեր»-ից առաջ քարոզեց հոգեշնորհ
Ս. Հարություն վարդապետ Մատենյանը՝
«Եւ ասաց Աստուած՝ Արասցուք մարդ ըստ
պատկերի մերում և ըստ նմանութեան» բնա-
բանով (Մենդ. Ա 26):

Հավարտ սուրբ պատարագի, Վեհափառ
Հայրապետի նախագահությամբ, կատար-
վեց Հոգեհանգստյան պաշտոն Պլովդիվի
թեմական խորհրդի վերջերս վախճանված
ատենապետ Գևորգ Վարդապետյանի և Սո-
ֆիայի թեմական խորհրդի անդամ Լևոն Մե-
ծատրյանի հիշատակին:



ՓԵՏՐՎԱՐԻ 22-ԻՆ, ՉՈՐԵՔՇԱՐԹԻ, ԵՐԵՎԱՆ-
յան ժամը 4-ին, Հոգևոր ձեմարանում դասա-
խոսություն կարդաց Երևանի Խաչատուր
Արովյանի անվան մանկավարժական ինս-
տիտուտի դասախոս, ֆիզիկոս, դոցենտ
Երեմ Ադամյանը՝ «Սովետական արհեստա-
կան արբանյակները» թեմայի շուրջ: Դասա-
խոսությունը լսվեց խորին հետաքրքրու-
թյամբ:

Վեհափառ Հայրապետը ներկա էր դասա-
խոսության:

Գերաշնորհ Ս. Հայկազուն սրբազանը ներ-
կաների կողմից ջերմ շնորհակալություն
հայտնեց դասախոսին:



ՓԵՏՐՎԱՐԻ 23-ԻՆ, ՀԻՆԳՇԱՐԹԻ, ԵՐԵՎԱՆ-
յան ժամը 4-ին, Հոգևոր ձեմարանում տեղի
ունեցավ հանդիպում, վերջերս Արտասահ-
մանյան երկրների հետ բարեկամության և
մշակույթի կապի հայկական ընկերության
հրավերով, ուխտավորաբար Մայր Հայրե-
նիք ժամանած, Հոռմի կոնսերվատորիայի
ուսանող, երիտասարդ երգիչ Խաչատուր Պի-
լիկյանի հետ:

Հարգելի հյուրին ներկաներին ծանոթաց-
րեց Հոգևոր ձեմարանի եվրոպական երա-
ժշտության դասատու Հրանտ Գևորգյանը:
Այնուհետև ներկաների առաջ հանդես եկավ
խոստումնալից երգիչը՝ սիրված օպերանե-
րից մի քանի արիանների հաջող կատարմամբ:

Երիտասարդ արվեստագետը խոր ապրու-
մով կատարեց նաև Կոմիտաս վարդապետի
«Կոունկ»-ը, «Հայաստան երկիր դրախտա-
վայր»-ը և Սարոյի արիան՝ Արմեն Տիգրան-
յանի «Անուշ» օպերայից:

Դաշնամուրի վրա երգչին ընկերակցում էր
դաշնակահարուհի տիկին Նելլի Դանիել-
Բեկը:

Համերգին ներկա էր Վեհափառ Հայրա-
պետը:

ՓԵՏՐՎԱՐԻ 26-ԻՆ, ԱՆԱՌԱԿԻ ԿԻՐԱԿԻՆ, Մայր Տաճարում պատարագեց հոգեշնորհ Տ. Հարություն վարդապետ Մատենչյանը: Քարոզեց հոգեշնորհ Տ. Հուսիկ վարդապետ Սանթրոյանը՝ «Հայր, մեղայ յերկինս և առաջի քո» բնաբանով (Ղուկ. ԺԵ 18):

Սուրբ պատարագին ներկա էր Վեհափառ Հայրապետը:

ՓԵՏՐՎԱՐԻ 27-ԻՆ, ԵՐԿՈՒՇԱՐԹԻ, Թեմական-կազմակերպական գործերով Մայր Աթոռ ժամանեցին Բաքվի Թեմի առաջնորդ հոգեշնորհ Տ. Նդիշե վարդապետ Սարգսյանը և Շիրակի Թեմի առաջնորդ հոգեշնորհ Տ. Մաշտոց վարդապետ Թաշիրյանը:

Վեհափառ Հայրապետը բարեհաճեց ընդունել Թեմակալ առաջնորդներին:

Առաջնորդ վարդապետները վերադարձան իրենց Թեմերը երկուշաբթի, մարտի 6-ին:

ՄԱՐՏԻ 1-ԻՆ, ՉՈՐԵՔՇԱՐԹԻ, Հոգևոր Ճեմարանի դահլիճում, երեկոյան ժամը 4-ին, իր երկրորդ դասախոսությունը կարդաց ֆիզիկոս Երեմ Աղամյանը՝ «Տիեզերքի կառուցվածքը» թեմայի շուրջ:

Սույն դասախոսությունը ևս ուսանողության կողմից լավեց մեծ հետաքրքրությամբ: Վերջում հարգելի բանախոսին ջերմ շնորհակալություն հայտնեց վերատեսուչ որբադանը՝ շահեկան դասախոսության համար: Դասախոսությունը ներկա էր Վեհափառ Հայրապետը:

ՄԱՐՏԻ 5-ԻՆ, ՏՆՏԵՍԻ ԿԻՐԱԿԻՆ, Մայր Տաճարում պատարագեց արժանապատիվ Տ. Հովհաննես քահանա Մարությանը: Հավուր պատշաճի քարոզ խոսեց հոգեշնորհ

Տ. Մուշեղ վարդապետ Պետրիկյանը՝ «Եւ ես ձեզ ասեմ, Արարէ՛ք ձեզ բարեկամս ի մամոնայէ անիրաւութեան. զի յորժամ պակասիցի այն, ընկալցին զձեզ ի յարկսն յաւիտենականս» բնաբանով (Ղուկ. ԺԶ 9):

ՄԱՐՏԻ 5-ԻՆ, ԿԻՐԱԿԻ, Երևանի Ս. Սարգիս առաջնորդանիստ եկեղեցում քահանայական ձեռնադրություն կատարեց գերաշնորհ Տ. Հայկազուն արքեպիսկոպոս Աբրահամյանը: Քահանա ձեռնադրվեց Հոգևոր Ճեմարանի 1959 թվականի շրջանավարտ ուրարակիր Յուլա Աղաջանյանը, խարտավիլակություն մը հոգեշնորհ Տ. Նդիշե վարդապետ Սարգսյանի: Ձեռնադրող սրբազանը խոսեց բովանդակալից խրատական իր աշակերտ և ձեռնասուն Տ. Ղևոնդ քահանայի ձեռնադրության և օծման ուրախ առիթով:

Նորընծան իր քառասունքը կանցկացնի Մայր Աթոռում:

ՄԱՐՏԻ 7-ԻՆ, ԵՐԵՔՇԱՐԹԻ, Վեհափառ Հայրապետի նախագահությամբ, Վեհարանում գումարվեց Մայր Աթոռի ճարտարապետների հանձնախմբի հերթական նիստը, որտեղ քննության առնվեցին Ս. Գալանի տաճարում կառուցվելիք Ս. Սեդանի նախագիծը, էջմիածնի վանքի պարսպի արևելյան դարբասի վերակառուցման և Ս. Գեղարդի վանքում էլեկտրակայանի հաստատման և էլեկտրակայանի վայրի հարցերը:

ՄԱՐՏԻ 13-ԻՆ, ԵՐԿՈՒՇԱՐԹԻ, Վեհափառ Հայրապետի նախագահությամբ, Վեհարանում կայացավ Մայր Աթոռի ճարտարապետների հանձնախմբի նիստը, նվիրված Վեհարանի նոր շենքի սրահների ներքին ձևավորման հարցերի քննարկմանը:

